

Como territorio ultraperiferico:

E posicion constitucional di Madeira pa cu Portugal ta un punto di interes pa Mr. Millard

ORANJESTAD (AAN) -- Mr. Celcio Luciano Milliard, Hurista y docente di Universidad di Aruba, y ademas miembro di e Grupo di Estudio "Aruba-UE", tambe a hiba palabra durante e conferencia di prensa convoca pa fraccion di AVP, relaciona cu e viaha di un delegacion Arubiano pa Madeira.

Mr. Milliard ta haya hopi interesante e posicion constitucional cu Madeira tin pa cu Portugal, y con su relacion cu Europa ta.

Como un aspecto cu e Hurista lo studia mas di cerca ta kico ta e relacion y influencia di Europa riba educacion universitario na Madeira.

E delegacion tin pensa di bishita Universidad di Madeira y papia cu diferente docente, Hurista entre nan, cu ta trahando na Universidad pa wak cual ta nan pensamiento y posicion relaciona cu Union Europeo.

Otro aspecto interesante ta

esun economico, y con e negoshinan ta worde influencia door di U.E, cual ta e beneficio y desbentahanan cu tin den esaki.

Riba loke ta ser bisa cu lo por haya hopi fondo for di Union Europeo, e delegacion kier sa

na placa chiquito con ta haci peticion pa haya recursonan financiero. si e procedure ta simple of algo complica.

Pues, tur e aspectonan aki lo worde studia mas di cerca, y ora e delegacion bin Aruba nan lo emiti un relato pa

pueblo. atravez di prensa. pa splica nos comunidad kico ta e resultado di e investigacion cu nan a bay realiza na Madeira, y e ora ey por sigui traha pa defini cual ta e posicion mas beneficioso pa Aruba.

